



Rut Plouda  
Verd s-chür

**«Mincha pled ün marenghin»**  
La romanista Bettina Vital fa ina recensiu dal cudesch «Verd s-chür» da Rut Plouda.

13

# LA QUOTIDIANA

FMR Fundaziun Medias Rumantschas, Via da Masans 2, 7000 Cuiria, 081 544 89 10, redacziun@fmr.ch

■ ENGIADINA


## Cigarettas toccan i'l s-chart

(fmr/afi) Tenor l'Uffizi federal da l'ambiant sun ils chantuns, las citads e'ls cumüns respunsabels per üna infrastruttura netta. D'incuort ha il cumün da Scuol rendü attent cha cigarettes nu toccan i'ls tombins. Per cha quellas nu fetschan don a l'ambiant toccan ellas i'l s-chart. Pro'ls föclers s'haja introdüit cun success l'acziun

«Meis lö predilet resta net». Cun l'agüd da tablas as giavü-scha als üttilisaders da tour cun sai l'agen s-chart. Oter as preschainta la situaziun pro l'al-lontanamaint da las immundiz-chas. Uschè vain allontanà adüna darcheu il rument in sachs na officials.

> PAGINA 13

■ SURSELVA



Sur Nadal ein las stizuns serradas.

FOTO ANDREAS CADONAU

## Treis dis senza stizun

(fmr/ac) Il hanletg da detagl e siu personal ein dumandai. Duront treis dis ein ils locals da vender serrai. La gastronomia ord funcziun carmala ulterriura glieud en stizun. Las circumstanzas actualas ein era per las stizuns, lur personal e la gestiun tut auter ch'ordinarias. Mantener in diember maximal da clientella en stizun, tener distanza e purtar masca appartegn-gnan gleiti alla normalitad dil hanletg da detagl. Per detg pre-tensiusas valeteschan divers ge-

stiunaris da stizuns sursilvanas lur calculaziuns da pustar rauba per ils proxims gis. Tonpli che las stizuns ston serrar las portas denter ils 25 e 28 da december. Il personal sco las gestiunarias ed ils gestiunaris ein promts da dumignar las sfidas. Lur affars han buca pitü dapi la primavera vargada dils divers decrets ordinari per restrenscher l'infecziun. Dalla rauba da mintgagi negin che sa desister.

> PAGINA 3

■ GRISCHUN CENTRAL

## Patrungs indigens

(fmr/gns) Igl hotel Piz d'Err a Tinizong ò bliers onns tutgia alla famiglia Demarmels. Siva tgi chella ò betg ple mano igl menaschi ògl adegna puspe do midadas tigl's hospitants. Cumpro igl object ò avant radond 30 onns igl impressari Rico Dosch. Ossa ò el catto cumpraders pigl hotel Piz d'Err. Chegl èn Graziella Luzio ed igls sies om Jürg Fasser da Sa-

vognin. Igl pèr vign a manar la tgesa scu travagl da «Bed and Breakfast». La nova patrunga digl «Bed and Breakfast» Piz d'Err dei tgi an vista ins vegia gia en tal object an Italgia, an Svezia ed a Müstair. Alla fegn seia sa do casualmaintg la pussebladad da cumprar igl hotel Piz d'Err.

> PAGINA 7

# Per daplì sustegn finanziel

Rodund 250 gastronomas e gastronoms han demonstrà ier a Cuiria

MARTIN CABALZAR/FMR

## ■ Ils gastronoms dal Grischun pretendan ina remuneraziun finanziaria per las perditas resultadas da las mesiras da corona.

Ils gastronoms grischuns na sa dostan betg cunter las mesiras da corona. Els pretendan dertant che la politica surpiglia la responsabladad per sias decisiuns e ch'ils donns resultants per ils manaschis pertutgads vegnian indemnisadas a moda faira e correcta. «Las restricziuns e mesiras per proteger da Covid-19 tutgan fermamain la hotellaria e la gastronomia, lur furniturs sco er col-lavuraturas e collavuratur e lur famiglias», ha ditg il parsura da Gastro Grischun Franz Sepp Caluori. Quai tant pli che la situaziun economica e finanziaria saja stada tendida tar bliers manaschis grischuns gia avant la segunda bloccada. La serrada actuala che cuzza dals 5 da december fin ils 22 da schaner 2021 chaschunia problems finanzials serius e pe-



Gastronomas e gastronoms dal Grischun a la demonstraziun paschavla dad ier a Cuiria.

GASTRO GRISCHUN

ricliteschia l'existenza dals inter-prenderiders e da lur personal, di Caluori. Tenor ina calculaziun da la branscha muntian las perditas a rodund 200 milliuns. En il rom

da la demonstraziun «Sutgas vi-das - na laschai betg seser nus» han ils gastronoms surdà lur pre-tensius a cusseglier governativ Marcus Caduff. Els vulan in'in-

demnisaziun «a fond-perdu» – cumplaina, svelta e nunbirocrati-ca per la svieuta manchentada tras il lockdown e per las investi-ziuns da protecziun fatgas.

## «Parmelin? Per mei ei quei adina il Parmesan.»

In telefon cum Elsa Caprez da Trin – Pagina 3

# Bellas Festas!



FOTO AUGUSTIN BEELI

(fmr/abc) Nadal è la festa pli amicabla e famigliara da l'onn. Quest onn è el-la diversa d'enfin qua. Al-main n'esi betg scumandà da prender il pignol en stiva e da decorar quel sco mintg'onn. Il pignol du-ai simbolisar la quietezza e calma ch'ins giavischa. La culla cun il sulegl duai render attent a quai. A tuttas e tuts giavischa la FMR in bel Nadal 2020.



40052



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch